



ქალაქ ფოთის მუნიციპალიტეტის საკრებულო



განკარგულება № 4/23

2021 წლის 30 ქსიტი

ქალაქი ფოთი

ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის თავმჯდომარის ხვიჩა ცხვიტარიას უფლებამოსილების შეწყვეტის ფაქტის ცნობად მიღების შესახებ

ქალაქ ფოთის მუნიციპალიტეტის საკრებულო აღნიშნავს, რომ ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის თავმჯდომარე ხვიჩა ცხვიტარია 2021 წლის 15 თებერვლის განცხადებით, ითხოვს უფლებამოსილების შეწყვეტას 2021 წლის 24 მარტიდან.

საქართველოს ორგანული კანონის „ადგილობრივი თვითმმართველობის კოდექსის“ 43-ე მუხლის მე-3 და მე-4 პუნქტების შესაბამისად, მუნიციპალიტეტის საკრებულოს თანამდებობის პირს-საკრებულოს კომისიის თავმჯდომარეს უფლებამოსილება ვადამდე უწყდება პირადი განცხადების საფუძველზე. აღნიშნულ გარემოებას, მუნიციპალიტეტის საკრებულო ცნობად იღებს და აფორმებს საკრებულოს სხდომის საოქმო ჩანაწერით.

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული საკრებულოს რეგლამენტის 26-ე მუხლის მე-6 პუნქტის შესაბამისად, საკრებულოს კომისიის თავმჯდომარეს უფლებამოსილება ვადამდე უწყდება თანამდებობიდან გადადგომის შემთხვევაში.

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული საკრებულოს რეგლამენტის 26-ე მუხლის მე-3 პუნქტის შესაბამისად, კომისიის თავმჯდომარის არყოფნის, აგრეთვე კომისიის თავმჯდომარის გადადგომის, გადაყენების, მის მიერ უფლებამოსილების განხორციელების შეუძლებლობის ან მისი, როგორც საკრებულოს წევრის უფლებამოსილების ვადამდე შეწყვეტის შემთხვევაში, კომისიის თავმჯდომარის დავალებით კომისიის ერთ-ერთი წევრი ასრულებს კომისიის თავმჯდომარის მოვალეობას. ამ საკითხზე კომისიის თავმჯდომარის დავალების არ არსებობის შემთხვევაში, კომისიის თავმჯდომარის უფლება-მოვალეობებს ასრულებს კომისიის უხუცესი წევრი.

აღნიშნულიდან გამომდინარე:

მუხლი 1.

1. ცნობად იქნეს მიღებული ის გარემოება, რომ ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის თავმჯდომარეს ხვიჩა ცხვიტარიას შეუწყდა უფლებამოსილება 2021 წლის 24 მარტიდან, პირადი განცხადების საფუძველზე. აღნიშნული ფაქტი გაფორმდეს საკრებულოს სხდომის საოქმო ჩანაწერით.

2. ცნობად იქნეს მიღებული ის გარემოება, რომ ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის თავმჯდომარის არჩევამდე კომისიის თავმჯდომარის უფლებამოსილებას შეასრულებს კომისიის უხუცესი წევრი ოლეგი ნაჭყებია.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 3. განკარგულება ძალაშია ხელმოწერისთანავე.

საკრებულოს თავმჯდომარე



ბექა ვაჭარაძე